

山右石刻叢編

山右石刻叢編卷四十

鹽車水災碑 縣志云：都巡撫臣某等請制原等製門題之碑

元

忽都帖木兒禱雨獲應記

碑高三尺八寸四分廣一尺七寸七分二十四行行
五十字額題禱雨獲應之記六字正書今在鳳臺縣

○州忽都帖木兒禱雨獲應記

澤州○□軍○□□題額

澤州○□□□□惟中書

澤古稱巖○□太行脊風土高○雨不時○其為民患者○
矣至正辛丑春○及仲夏旱暵愈甚百穀未播四野就○我

監州公忽都帖木兒奉

命南來下車之始問其所以興雲雨福斯民州治○北有山

浙城山之□湯廟□□公□日□吉免冠徒步稽顙懇禱獲
惠□液護持以歸□奠於五龍之祠未□祠而雲興至則而
兩霆越宿祭告復還本官神相休美繼□霽濡矣郡□□欣
□□謂曰古有理寃兩隨車兩先諸簡典信不誣矣嚮之曝
神巫舉直龍導緇黃走耆艾竟不見答而公之□日一慮□
□□□禱斯雨□□無文而誌之將何以脩采擇詔方來於
是司馬山雲真觀住持□□□來丐為文愚以□□□謬強
□□□夫公以北庭右族之貴職居監牧之任首出庶務
而倡為者民之休戚實係匪輕而公之□□□□□□之
誠□□□□格神其憂民格神之念存諸中而形諸外其所
應有不期然而然者矣是以上不負

朝廷付托之意下不失民社鞏固之美矣遂成有秋以足公

私倉庾之須免逋亡溝□□□□□□而□陰崖回玉燭而
□□□氣有廊廡之姿以脩

聖天子得人之賀資信史之有所取焉故特紀其歲月云

澤州儒學正高昌氏桂童記

至正龍集辛丑夷則月吉日道士焦德福 王德□ 徒

張思恭立石

晉路澤州吏目張文政

晉路澤州判官朱綬

敦武校尉晉路澤州判官李思約

承事郎晉路同知澤州事張輔

晉路同知澤州事武德舉

□東山西道宣尉使付都元帥府同知 澤州知州事葉全

頽

朝議大夫晉路澤州知州兼管本州諸軍奧魯勸農事

趙驥

晉路澤州達魯花赤忽都帖木兒

大夫晉路澤州達魯花赤兼管本州諸軍奧魯勸

農防禦事馬兜

奉直大夫晉路澤州達魯花赤兼管本州諸軍奧魯勸

農防禦事買闕

高平石匠趙公刊

按碑前題額人闕書人存惟中二字以至正二十一年白

惟中撰禱雨獲應記證之當卽白惟中碑云至正辛丑春

及仲夏曠甚我監州公忽都帖木兒

今揭本闕都字
據碑未題銜補下車

之始禱析城山之湯廟尙書禹貢底柱析城至於王屋一
統志在陽城縣西南山峰四面如城高大而峻迥出諸山
幅幘四十里寰宇記山頂有湯王池四崖生龍鬚細草上
有成湯廟可證碑又云莫於五龍之祠鳳臺縣志五龍祠
有金元碑碑末題澤州學正高昌氏桂童記卽此碑枝元
畏兀兒都高昌桂童必畏兀兒人碑末所列諸官有澤州
吏目張文政澤州判官朱綬李思約同知澤州張輔武德
舉關東山西道宣尉使付都元帥府同知澤州知州葉企
顏澤州知州兼管本州諸軍奧魯勸農事趙驥澤州達魯
花赤忽都帖木兒澤州達魯花赤兼管本州諸軍奧魯勸
農防禦事馬兒買閭署衙與馬兒同枝元劉貫龍王感應記監郡
公買閭字彥德忽都帖木兒字元貞同知本州事武德舉

字大用判官朱綬字仲方皆可與此碑相參證鳳臺縣志

葉企顏上蔡人至正間以統軍元帥知翼城縣事擢知澤

州撫育民生惠澤遠被興學造士綽有政聲買闕字兼善

西域人家上虞領至正壬寅

校年表壬寅至正二十二年碑立辛丑買闕已官達魯花

赤則領鄉貢當在辛丑前壬寅疑壬辰之誤

鄉貢以薦授嘉興路儒學教授擢

澤州達魯花赤以興修學校爲己任增葺文廟元末兵亂

去官歸著詩若干首多可傳頌翼城志煥顏

碑作企顏

以至正

十九年行縣尹事撫慰軍民多遺愛又煥顏題銜有關文

以元史地理志河東山西道宣慰使司攷之東字上當爲

河字元史於順帝朝最略合諸志證之煥顏買闕皆良吏

也通志金石記至正二十一年繁峙官水磨碑後列銜達

魯花赤知州同知州判官皆二員一正一權

按官水磨碑判官有三員

金石記 同理州事當時官制殊不可曉此碑遠魯花赤三不確

員知州同知判官皆二員時丁元季兵爭晉帥如擴廓察罕等皆有矯制自爲之勢置吏之濫當由於此不得以定制衡之矣碑立至正辛丑

金石記有上黨縣達魯花赤忽都帖木兒德政碑 卽至

正二十一年

禱雨獲應記

碑高三尺四寸廣二尺二寸五分十九行行三十五字字徑六分正書額篆書今在鳳臺縣

監州忽都帖木兒禱雨獲應記

漢澤後進白惟中撰并書

晉路前澤州陰陽學正王鼎篆額

皇元之所以設監牧爲郡之表率民庶之命脉導揚風化宣明治體其能傾否挽泰□□□崇超然有爲而克盡厥職者

其唯我

監州公忽都帖木兒見之矣公自至正辛丑夏分符南來監
牧是郡下車之始通□□□□旱惻然傷心謀諸同列曰自
春徂夏亢陽極備百穀未播民將疇依矧茲兵興日□□□
□億繁夥加以歲頻於歎民多阻飢若迺坐視狼狽無術拯
援不職之愆其焉可道□□□州治東北有山浙城山之幽
邃湯宮在焉且昔旱虐請水每禱輒應公等以戎事□□□
□宜恪慎迺職吾獨躬詣焉乃免冠徒跣自輸香楮從皂隸
一二敬謁字下精意懇切□□□動厥神瀆與靈液瓶降首
戴以歸遂奠於五龍之祠而致敬焉甫及祠陰雲四合其□
□□霧淫闔境沾足越宿而又大作是則萬景咸蘇群情胥
悅一日郡耆艾申待宗等來□□爲文以彰威美愚不自揆

曰初公之禱也肅齋戒不茹葷不憚跋涉之遠風日之毒□
□□禱輒應捷對影響蘇千里之焦枯遇五城之生意使噉
噉者喞喞然苟非公有動天□□□德恤物之仁者其能若
是耶故書曰惟德動天又曰至誠感神自哉言乎不我誣矣
□□□古所謂隨車洗冤之雨誠可謂異世而同符蓋公之
德澤豈止如斯而已他日端揆

廟堂沛商霖以蘇海內之望者吾期以爲必矣又豈待濡一
郡澤一方而已哉遂忘蕪□□喜爲之記

至正龍集辛丑月建南呂吉日立石

晉_字路澤州儒學正桂童

晉_字路澤州吏目張文政

晉_字路澤州判官朱綬

教武校尉晉[○]路澤州判官李思約

承事郎晉[○]路同知澤州事張輔

晉[○]路同知澤州事武德舉

河東山西道宣尉司同知付都元帥管領澤州知州事葉

企顏

奉議大夫晉[○]路澤州知州兼管本州諸軍輿魯勸農事

趙騏

晉[○]路澤州達魯花赤忽都帖木兒

奉議大夫晉[○]路澤州達魯花赤兼管本州諸軍輿魯勸

農防禦事馬兒

奉直大夫晉[○]路澤州達魯花赤兼管本州諸軍輿魯勸

農防禦事買爾

晉[○]路晉城縣典史郭敬

晉[○]路晉城縣尉趙衷

晉[○]路晉城縣尉張國忠

保義副尉晉[○]路晉城縣主簿李毓

晉[○]路晉城縣尹程守仁

承事郎晉[○]路晉城縣尹兼管本縣諸軍與營勸農防禦

事鄭仲仁

徵事郎晉[○]路晉城縣達魯花赤兼管本縣諸軍與營勸

農防禦事口刺沙

此記爲澤州達魯花赤忽都帖木兒禱雨獲應而作析城
湯宮考見桂童忽都帖木兒禱雨獲應記跋碑末所列澤
州諸官與桂童撰記同其桂記所無而此碑有者晉城縣

典史郭敬尉趙衷張國忠主簿李毓縣尹程守仁鄭仲仁

達魯花赤闕刺沙共七人至正辛丑爲二十一年與桂記

同年立惟一係夷則月七月一係南呂月八月先後一月耳

太平重建孔廟記

碑連額高四尺二寸廣二尺二分二十三行行四十字正書額題太平縣重建夫子廟記九字篆書今在太平縣

太平縣重建夫子廟記

邑士郭晉撰

晉字路太平縣尉趙元善書

將仕郎晉字路太平縣主簿陞本縣尹馮鈞篆

吾夫子大聖也道冠百王法垂萬世凡有天下國家者莫不宗其道守其法故君君臣臣父父子子咸由乎彝倫之叙而不淪胥於禽獸之域者孰非夫子之教哉然則歷代欽崇

立廟致祭以報其罔極之恩不亦宜乎太平號名邑廟學之
建舊矣至正戊戌妖賊越羣懷踰太行攻口晉郡邑春三月
庚子陷太平殺吏民縱火焚廬舍延及大成殿配享暨從祀
諸賢自顏曾而下凡十有四位像皆壞獨 夫子之像儼然
如故而無少損邦人瞻仰莫不驚異意者聖德在天而冥冥
中有捍衛者歟越明年政通民安達魯花赤安童始度材鳩
工復構大成殿宏敞壯麗有加於舊又明年達魯花赤德僧
繕塑諸賢像又以 夫子之像與殿不稱復因而增大之功
未及成口德僧以事去其中轍士林方以為憂居無何會
縣尹彭城馮君衡還自京師謁廟畢乃懸覽廢缺慨然興懷
願謂寮來曰政有先後事戒因循學校實爲政之先務今茲
聖賢像貌未備兩廊壞漏弗支宮墻摧剝庭砌榛蕪其可

坐視而不理乎且興廢舉墜實吾輩之責宜即圖之不可緩也縣尉趙永貞聞而是之又從而佐佑之馮君於是倡率同寅捐俸金市五采收羣材督諸工徒並手偕作晨夕趨事而罔敢或怠是歲冬十月厥功告成殿廡門堂耽耽翼翼奕然一新 素王尊嚴公侯拱向上下服章秩焉有叙遵典制也事既訖矣神已安矣商度釋菜且有日矣僉議立石以紀其事遂請文於余余固辭弗獲因謂之曰文風不振教化不明廟學廢墜是因為政者之責噫今之為政者類不足以達此口為不急之務而漫不加意焉此馮君所以惕然深憂而汲汲於是歟然是役也安君實肇端於其始而馮君善繼成於其終皆有功於 聖人而知為政之務者也並可嘉也於是乎記因系之以詩曰

姑山蒼蒼 汾水泱泱 維邑之中 稟王廟堂 王之
遺德 萬世彌彰 王之宮室 中口大殃 雖則罹殃
終莫能傷 聖德在天 於乎靈長 修舉廢墜 喜
有口郎 報德報功 職分所當 繼成厥美 名亦流
芳 刻諸金石 斯文有光
大元至正二十一年歲次辛丑冬十又一月吉日權教諭
王達善立

李郁刊

通志金石記太平縣重建夫子廟碑郭晉撰縣尹馮鈞篆
額尉趙元善書皆與此碑題合太平縣志文廟元至正十
八年燬於寇十九年達魯花赤安童復建大成殿二十年
縣尹馮衡修門廡繕諸賢像今以碑文證之至正戊戌妖

賊越軍懷踰太行攻晉郡邑春三月庚子陷太平殺吏

民縱火焚廬舍延及大成殿卽志所言至正十八年燬於

寇事其曰越明年達魯花赤復構大成殿卽志所言安童

復建事其曰縣尹馮君衡還自京師捐俸市采收材督工

是歲十月告成卽志所言縣尹馮修門廡繕諸賢像事惟

碑言明年

安童修之次年

達魯花赤德僧繕塑諸賢像因增大像

殿未成以事去是繕諸賢像功創於德僧縣志蓋以未竟

工略之元史順帝紀至正十八年二月庚寅王士誠自益

都犯懷慶路三月癸卯王士誠陷晉甯路甲辰察罕復丙

辰冀甯路陷是時賊分二道犯晉冀一出沁州一侵絳州

察罕達穆爾傳至正十八年曹濮賊分道踰太行焚上黨

掠晉冀

與碑文至正戊戌妖賊越軍懷踰太行攻晉郡邑相合癸卯陷晉甯後太平之陷二日

而大

平之陷則不見於紀及察罕傳今得此碑可補其闕太平
縣志職官元縣尹馮衡彭城人馮鈞由主簿升任達魯花
赤安童德僧尉趙永貞碑見趙元善皆與碑合

大同感應碑

碑連額高三尺一寸三分廣一尺五寸六分二十二行行
三十九字正書額題□□感應碑記六字篆書今在大同
縣

□□感應碑記

中書分省照磨楊元□

中書分省右司員外郎祥□□書

中書分省左司員外郎陳別□□□象額

至正二十一年歲次辛丑春澤沾濡豆麥遍野將欲秀實值

久不雨民心憂疑搃兵官中書暨有司職事咸以祈禱為務

兩將作而復散

者

累日大同分中書司左右司官相

言日

得雨

以為口民也摠兵官軍馬供給動以萬計一歉則

共失

之計公私口口口矣吾儕雖口

恭豈得不口誠懇於神以

求紓目前之憂乎五月十一日癸酉率同列齊沐

禱雷山洞

灑侯祠

相下

詞口淨設香几律期於三日之內必遂所請

當備牲

醪以酬

神惠繪像以肅其威儀立石以紀其本末若

禱而不應是神居其位而

未能

禦灾捍患禮

旱乾水

溢則變

置社稷亦當行

國

法以彰神之

不靈也

翌日壬戌

曠時

澍雨

如注徹夜達旦霽而復雨苗

稼

暢茂四民

欣

忭人人口口可

免餓饉口憂口口之苦也七日丁卯陳祝幣具三牲行三獻

之禮張伎樂百戲謝拜祠下

既而命

元禮叙事

勸諸石

乃嘗

讀

周

礼春官小祝掌小祭祀將事侯口禱祠之祝以祈福祥

逆時雨□□□弭災兵□□交□□□□□□禮行之久矣

夫風雨雪霜天地之所□也山川藪澤鬼神之所伏也故風

雨雪霜之不時則歲有饑饉人有疾病禱於山川藪澤而除

之是風雨雪霜果為鬼神所有也明矣夫天之高也地之厚

也非天高而不可自理地厚而不可自運依於鬼神而能然

乎蓋天地之間山峙川流孕靈毓秀同一氣耳而人之精神

誠意與天地鬼神相感應者亦一氣耳大同城四十五里許

山名曰雷山山神號曰濶濟侯不知始於何時而建祠稱號

□亦有進矣凡旱必禱□□祠則輒應是山□□□□□神

之□□人之□□誠意又因神而見之□湯之禱於桑林而

雨周□□克殷而年豐袁安決楚獄而甘雨滂沱郡守祀孝

婦而旱不為災由是觀之雨暘愆期者□不□人事之失

不由人事之口口口口口口天人之理脗合而無間者蓋可見

矣歷年

按碑題中書分省照磨楊元關中書分省右司員外郎祥

關書中書分省左司員外郎陳別關蒙額按元史百官志

至元二十年正月以右丞布哈參政王時分省冀甯二十

三年庫庫特穆爾兵至冀甯分省遂罷二十七年九月薩

蘭托里仍中書左丞相分省大同以此碑撰至正辛丑考

之則至正二十一年大同已置中書分省博囉特穆爾傳

至正十九年三月詔移兵至大同二十年二月除中書平

章政事本紀在至正二十二年二月七月詔總領一應達勒達漢人諸

軍便宜行事八月命守石嶺關以北通志職官譜字羅帖木兒至正二十年總

領達漢達兒軍馬總兵官然則博囉時卽分省大同者志漏載耳碑言

至正二十一年辛丑豆麥遍野將欲秀實值久不雨總兵
官中書暨有司職事咸以祈禱爲事雨將作而復散者累
日大同分中書左右官言曰得雨以爲民也總兵官軍馬
供給動以萬計云云校總兵官者卽博囉特穆爾云大同
分中書者此至正二十一年已置大同分省之證大同府
志府西北十五里曰雷公山上有雷公廟甚古下有龍泉
亭騰雨奇驗元宜君縣尹單鵠分省左司都事姚拜延普
華二碑在焉今搨本漫漶据府志所載原文補之亦有不
盡同者府志或別有所据今搨本闕撰人名以府志考之
卽姚拜延普華通志金石記雷公山感應碑至正二十一
年姚拜延華著撰則又訛普華爲華著當從府志爲是

碑高三尺三寸二分廣一尺五寸六分二
十一行行三十八字正書今在垣曲縣署

大元祠河清記

至正辛丑冬十有二月戊辰河水清在垣曲縣濟民渡上下
監渡董順言於有司河東憲司以聞御史臺上中書明年二
月庚子省臣 奏河清為希世瑞宜選官即其所祠之

制曰可三月丁未中書廼以命祕書少監臣徐受命即齊核
辛亥早朝

明仁殿丞相立 陛前令左丞堃仙普化奉香入

上為默禱以授臣徐明日出 上尊酒四卣縞幣三端楮

幣萬五千縑禮部下晉 路治具詞臣撰祝文乘傳以行晉

及絳州皆遣官從丁卯至垣曲河濱治壇設位陳俎豆戒
諸執事恪恭廼職翼日戊辰五鼓作率獻官禮生將事如儀

波流靜伏凌風肅然禮訖撤饌投于河干時文武賓屬就列道旁觀者如堵咸曰耿耿哉迺請紀文刻石以侈

上恩以荅

神貺先是董順始見河清驚喜即走白不及

詳其遠近日日徐入晉境道遇河上來者輒詢所見蓋自平陸三門磧津下至孟津五百餘里皆清凡七日惟水合者迺不見口及至祭所諏實悉如所聞且曰河始清時兩岸居民不遠百里來汲引即愈疾浥以醲香冽異常魚鱉莫逃其形山屋皆倒景水底云於虜我

國家深仁厚澤涵濡百年之久猝尔兇孽肆毒寰宇民極塗炭于一紀茲亂極思治寔惟其時

聖天子脩德任人得賢相以輔弼于內良將以驅除于外

九重端拱清淨無為潤下之水澄澈呈瑞宜也矧今中原底

定山東蕩平皆調兵於晉河清昉乎晉境亦宜也昔京房王子年皆以河清為聖王之瑞治平之兆豈無謂哉况秩祀之祝蓋欲厚口之生匪特為瑞而已乎徐幸承乏館闕寅奉祀事敢不摭實以紀若歌頌之作則俟海內悉平之後文臣鉅筆者為是月庚午祕書少監程徐記并書河北河南道肅政廉訪副使趙敏題額

至正二十二年四月初吉晉路總管府判官李復同知絳州事哈喇不花垣曲縣官行達魯花赤禿顏帖木兒達魯花赤那海縣尹李恭默楊茂昌周伯要兀歹主簿梁思恭

校碑言至正辛丑十二月戊辰河水清在垣曲縣濟民渡上下河東憲司以聞御史臺上中書云云元史本紀至正

二十一年十一月戊辰黃河自平陸三門至孟津五百餘里皆清凡七日命祕書少監程徐祀之亦見元史類編引網鑑大全恒曲縣志河清碑在縣治儀門東至元二十一年程徐撰記卽此碑碑云明年三月丁未中書乃以命祕書少監臣徐辛亥早朝明仁殿丞相立陛前令左丞堃仙普化捧香入核是年吹斯戩爲右丞相

見元史紀表傳

額森布哈

爲左丞

卽堃仙普化見元史表

碑云自平陸三門磧津下至孟津五

百餘里皆清凡七日與史合核河清非瑞應前人已有論之者至正二十一年河清闕八年而國亡何瑞之有碑又云我國家深仁厚澤涵濡百年之久兇豎肆毒塗炭一紀核至正十一年劉福通首亂汝頰至是年凡十二年故曰一紀其曰良相輔弼者指吹斯戩將驅除者指察罕特

穆爾又云今中原底定山東蕩平皆調兵於晉元史至正二十一年察罕自陝抵洛議師期發并州兵出井陘遼沁軍出邯鄲路澤軍出磁州此皆調晉兵之證又至正十九年八月戊寅察罕拔汴梁河南悉定二十一年七月復冠軍州東昌八月拔長清討東平田豐降東討棣州俞寶降東平王士誠東昌楊誠皆降魯地悉定進兵濟南劉珪降遂圍益都記作於是年故曰中原底定山東蕩平也碑末題是月庚午秘書少監程徐記并書河北河南道肅政廉訪使趙敏題額所題官有晉甯路總管府判官李復同知絳州事哈喇不花垣曲縣行達魯花赤禿顏帖木兒達魯花赤那海縣尹李恭厥楊茂昌周伯要兀歹

縣志注禿顏帖木耳至正十九

年任那海十一年任李恭厥十八年任楊茂昌二十二

年任周伯要兀歹二十年任攝碑則立碑時均在垣曲主

薄梁思恭

縣志至正二十年任

碑立至正二十二年

官水磨記

碑連額高三尺一寸五分廣二尺一寸二分二十九行行四十字額題新建官水磨記六字均正書今在繁峙縣

新建官水磨記

鄉貢進士東魯歐陽讓撰并書丹

夫堅州□□□□

金日縣

曰州其來尚矣西連冀

晉東□

幽燕南接

趙衛北週雲京鴈門阻阨

滹

沱湧濤土地□□□

□□之路亦當其衝要□□□經人

物

因於彫弊軍馬調度

餽餉竭於財用當庚子至正廿年夏□□□

總兵官中書平章政事選委完者

帖木兒

□□達魯花赤

防禦巡綽事下車蒞政撫輯殘民是年五臺有營造之費南

峪有齋膳之脩本

州繁峙

□□□完公親官府之冗輸憂

貧民之病擾憫心口瘁念茲在茲每與同知韓仲彬屢言其

事竟為立法韓公迺曰本州民李唐祖有磨一所兵革殘廢

基此尚存可於俸金內鳩集以酬厥價效力以成厥功取其

收畜之物罄輸於官以給三處之費不其美乎完公曰善於

是知州常奉直權知州楊完者不花達魯花赤馬奉訓判

官哈敦武判官范惟新吏目李玘宗忻然竒之未及行命邑

人知之拜上牒下請曰豈弟君子民之父母我公輕徭

薄賦施治立法本愛吾民也吾民上無報德之誠下無奉公

之勤願奉物酬價興力躬建以需官府之用完公弗口允邑

人叩首靡下完公弗允者三越明日邑人咸集獻物若干完

公怪而義之韓公迺不避劬勞力於經營鳩工樂事庶民是

效縮版以載百堵皆興亟之攻之不日成之龍窩渠堰之周

完水土水石之堅綴房屋儼然而匪昔礪磨煥然而更新漳
河水利十分為率北渠十分南渠四分官磨廼取其四分耳
旬日之間水行磨動收物孔多一州之給有餘三處之供不
絕吏不下鄉野有謳歌治行俗美民安物阜官府簡易郡境
清肅嗚呼向非得為政之道其何能盡治民之效也口余家
東魯客邸茲郡韓公以師教禮子其學焉完公勉勵生徒百
有餘人偉哉完公勤於治民敬以禮賢郡縣得人斯民受福
正無以羨二公之萬一於是請余作記以好口博雅而論余
故不敢當遂筆其事以誌後來云耳

至正廿二年夏口月吉日立石

司吏口思忠武弼 貼書要口孫文卿

冀平路堅州吏目李玘宗

冀寧路堅州權本州判官范惟新

敦武校尉冀寧路堅州判官哈刺八都兒

冀寧路堅州同知州事韓仲彬

忠湖校尉冀寧路堅州同知州事郝顯祖

冀寧路堅州權本州知州事楊完者不花

奉直大夫冀寧路堅州知州事常禮

奉訓大夫冀寧路堅州達魯花赤兼管本州諸軍奧魯勸

農事馬哈馬沙

冀寧路堅州達魯花赤兼防禦巡綽事完者帖木兒

監造官權本州判官劉思道

石匠劉伯珍楊榮

按碑題鄉貢進士東魯歐陽讓撰并書丹紫峙縣志錄此

文撰書人與今搨本同碑言當庚子至正廿年夏總兵官

中書平章政事選委完者帖木兒

闕

達魯花赤兼防禦巡

綽事云云元史博囉特穆爾傳博囉特穆爾達實巴圖爾

之子從父討賊屢立功父既沒引兵退駐井陘口至正十

八年正月命博囉爲河南行省平章政事仍總其父元管

諸軍十九年三月詔移兵至大同置大都督兵農司專督

屯種以博囉特穆爾領之二十年除中書平章政事然則

此云中書平章者卽博囉特穆爾也又元史至正十七年

詔天下團結義兵路府州縣正官俱兼防禦事此碑完者

帖木兒銜又加巡綽二字可爲考元末掌故之助碑言常

奉直卽常禮馬奉訓卽馬哈馬沙哈敦武卽哈刺八都兒

皆見碑末題銜碑云滹沱水利十分爲率官磨乃取其四

分耳校水道提綱滹沱河源出繁峙縣東南泰戲山

原注
在平

刑關南巖
頭山西

曰青龍泉西流經三泉鎮北孤山大營南又西

經沙澗驛南又西稍南經縣城南又西南經代州城此碑
今在南關蓋立滹沱經流建水磨之地碑言余家東魯客
邸茲郡韓公以子學焉完公勉勵生徒百餘則歐陽讓教
授是州者碑末題街有冀甯路堅州吏目李玘宗堅州權
本州判官范惟新教武校尉堅州判官哈喇八都兒堅州
同知州事韓仲彬忠翊校尉堅州同知州事郝顯祖堅州
權本州知州事楊完者不花奉直大夫堅州知州事常禮
奉訓大夫堅州達魯花赤兼管本州諸軍奧魯勸農事馬
哈馬沙堅州達魯花赤兼防禦巡綽事完者帖木兒校韓
仲彬楊完者不花完者帖木兒皆不繫階官以碑文中書

平章選委完者帖木兒證之皆非出自朝命元至正辛丑

澤州忽都帖木兒禱雨感應記

桂童撰

有達魯花赤三知州

同知判官二則多庫庫特穆爾所署置兵亂政弛不可以

常制衡之

元史本紀至正十七年正月辛卯命山東分省
團結義兵每州添設判官一員亦可與此碑相

參碑立至正二十二年闕者據州志補

龍王感應記

碑連額高四尺六寸一分廣一尺九寸二十八行行五
十七字正書額題六字篆書字大二寸許今在鳳臺縣

龍王感應之記

鄉貢進士劉貫撰

前晉路同知澤州事楊子宜書并篆額

龍於天地間為物最神善變化屈伸咫尺巨細亦靈旌夫哉
故世之人仍以王號卑焉攷諸傳記未聞有褒錫之典特示

尊崇之意爾凡立廟肖像欽行祀事以其庇庶一方受福居多於水旱風雷雨雹之災寔捍蔽之祭法曰法施於民則祀之以死勤事則祀之以勞定國則祀之能禦大災捍大患則祀之矧神以王稱助造化司風雨奇恠不測可無祀乎朝為盲風夕為劇雨神實司之乾端坤倪軒豁呈露神亦與焉今澤州治之西南約五里許有祠曰龍王祠邦人常以風雨不時霜雹代作行事祠下事訖輒應神之有功於氓常耿耿也至至正二十有二年州太守杜公在官之明年也公諱九思字有文時值陰雨極備稽之洪範傳將有咎徵之驗於是公暨監郡公買閻字彥德忽都帖木兒字元貞同知本州事武德舉字大用判官黑馬字元英李有孚字德彰朱綬字仲方合謀於庭曰今國家多故調度徵索舉出於民儻神不之祐

俾饑饉荐臻凡司州事者安得辭其責歟盍竭誠祀禱焉即

率州之佐吏暨屬縣長吏以下各齋杖吉蠲酒殺香燭以備

謹于是年夏五月十有二日五鼓作詣廟下以供晨事切以

其咎在人自譴既而洋如在來格來享闔廟促旋祥飈四

吹陰雨解駁日光穿漏而晴不移時又於是月二十有九日

電雷交作電下甚密僉率執事以祭如初禮其霤即止又於

是年冬十月十有二日亦以陰雨未解故祭告如禋禮其晴

如初遵故事也逮至正二十三年總戎太尉中書平章公復

以朱君來守是州公諱文明字煥章時夏四月至五月不雨

禾盡槁遂登上官屬并州之耆艾於是月朔具祝文齋拔備

禮如前祭事成奔走祠下恪供通事除帽跣足深自告罰

奠祭禮數皆中儀式析以甘澤時慰人心也前此雨陽

時若五穀胥熟歲仍大和惠有所歸是歲將西稔光見具於

灌祭後其惠在人常不知有所歸乎噫神所依者人人所享

者神苟人心誠敬在是神之胎蠻即在是天下載祀典屋而

神者非一所果皆靈驗耶抑斯人不恭之咎耶今茲挾王爵

而起居羣祀之右惟修事益虔故前後祀享祈應如桴鼓影

響靡不捷也宜澤居南北之徧凡徵需謂用較之他郡浩繁

舉在官者尤難於平理為州若縣惟以廉慎自持者免公等

以廉慎自持人各以廉慎自勵故官無曠職而民無曠業行

以齒古循吏無所與逆事神治民宜莫不備至焉咸願錢廟

石以著厥美故欣然書之以詠來哲其辭曰

山之頭兮崗之阿作廟翼翼兮懇悃差我神之來兮無常羅

有修兮莫瓊榮風雲從生令天地一方闕淵官兮奧突慰我

民方不悲以笑

澤之隈兮晉之鄙自始

口逮今兮受多福祉

卑無苦濕兮高

無口乾

五穀穰穰兮功

不可

攀祐我邦家兮

億萬斯世嗟余在官方敢忘祀事

至正二十〇年七月吉日立在城關廂耆老人等

晉寧路澤州判官口口

晉寧路澤州判官口口

敦武校尉晉寧路澤州判官口口

晉寧路同知澤州事口德口

晉寧路澤州知州朱文明

奉訓大夫晉寧路澤州知州口當本州諸軍與魯勸農防

禦事杜九思

晉寧路澤州達魯花赤忽都帖木兒

奉直大夫晉_字路澤州□□□□兼管本州諸軍與魯勸
農防禦事買閭

晉_字路晉城縣典史張□

晉_字路晉城縣尉趙衷

□義副尉晉_字路晉城縣主簿脫因忽里

晉_字路晉城縣尹劉仕義

晉_字路晉城縣尹宋瑛

從仕郎晉_字路晉城縣尹兼管本縣諸軍與魯勸農防禦

事鄭仲仁

從仕郎晉_字路晉城縣達魯花赤兼管本縣諸軍與魯勸

農防禦事哈散

校碑題鄉貢進士劉貫撰前晉甯路同知澤州事楊子宜

書并篆額鳳臺縣志選舉表元鄉貢進士劉貫澤州同知
楊子宜皆與此碑合碑云至正二十二年州太守杜公在
官之明年公諱九思字有文此九思以至正二十一年守
澤之證碑又云逮至正二十三年總戎太尉中書平章公
復以朱君來守是州公諱文明字煥章云云元史察罕特
穆爾傳至正二十二年六月察罕特穆爾爲王士誠所刺
起復庫庫特穆爾拜銀青光祿大夫太尉中書平章政事
知樞密院事皇太子詹事仍便宜行事襲總其父兵十一
月山東平庫庫特穆爾乃駐兵於汴洛二十三年駐太原
此碑所云總戎太尉平章者卽庫庫特穆爾碑末所題諸
官判官三人名闕以碑文考之卽黑廝李有孚朱綬前二
人無階末一人有階至正二十一年忽都帖木兒禱雨感

應記題銜有晉甯路澤州判官朱綬亦無階黑厮疑有階
同知澤州事一人無階以碑文考之卽武德舉知州二人
朱文明無階杜九思有階達魯花赤二人忽都帖木兒無
階買閭有階碑同又九思買閭縣尹鄭仲仁達魯花赤哈
散皆帶防禦事字元史本紀至正十二年三月詔隨朝諸
正官各舉循良材幹智勇兼全堪充守令者二人多者不
限員數試用守令並兼管義兵防禦諸軍輿魯勸農事十
七年詔天下團結義兵路府州縣正官俱兼防禦事與此
碑合他如晉城縣典史張闕縣尉趙衷主簿脫因忽里縣
尹劉仕義宋瑛二人無階鄭仲仁有階達魯花赤哈散有階皆見鳳
臺縣志按元至正以前諸碑州判縣尹以上皆有階而至
正末年若忽都帖木兒禱兩碑前建官水磨記及此碑則

州尹亦有無階者以此碑總戎太尉以朱文明來守考之
文明爲庫庫特穆爾所置而碑末結銜無階然則有階者
朝所命無階者總戎所置當不謬矣今搨本多磨泐据鳳
臺縣志補碑立至正二十三年七月

雲貞觀碑

碑連額高二尺七寸八分廣一尺五寸八分十三行行二
十四字額題重修成湯廟雲貞觀記九字均正書今在鳳
臺縣小析山湯王廟

重修成湯廟雲貞觀記

澤州處士焦允中撰

鄉貢進士焦文苑書

濩澤之陽析山之陰有聖祠琳宮古昔之所建也歷歲既久
上雨旁風則不能無廢墜矣歷代修舉世不乏人道流守嗣

者壘壘相繼論功考績有金石存焉至正癸卯本院尊宿前
澤州道門提點孟道伸年踰耄耄勞神焦思相度前殿聖像
兩廡諸神彩繪堙沒丹青剝落後觀混元湛然監壇基堞圯
毀蕪莽荒穢遂率門孫庵思順衛思忠速思煥趙思實曾孫
王敬福命工興修經營越歲俾前宮後闕煥然一新則析峯
掩映煙霞出沒氣象千萬誠一州之壯觀皆道伸等胼胝之
力也况值兵戈擾攘轉煩厯劇能了此一段大緣事亦稱人
中罕見之矣他日考績庶不愧於前修有垂統於後裔至正
甲辰三月吉日落成姑摭其實以壽諸石用傳不朽云銘曰
析山蒼蒼源源湯湯聖殿琳宮壯觀一方淡煙霞兮掩映杳
雲水兮汪洋歷天長與地久祝聖壽之無疆

趙思明書額

維大元歲次甲辰季春吉日立石

石匠長平趙公藝刊

按記稱兵戈擾攘轉煩歷劇了此大緣實所罕見以元史諸書考之是年明祖已得湖廣江西孛羅擴廓又日爭晉冀民生其間瑣尾流離知陷水火矣碑前題澤州處士焦允中撰鄉貢進士焦文苑書後題趙思明書額文苑見縣志選舉又縣志小析山湯王廟有雲貞觀碑立至正甲辰卽二十四年

重修太師祠記

碑連額高三尺一寸八分廣一尺六寸二分十三行行三十三字額題六字均正書今在洪洞縣

重修太師祠記

雲谷張守大撰并書

桂巖張容題額

洪洞縣治之東廿里有聚落曰師流俗相傳以為晉師曠子
野之故里里之東又百餘步其遺祠尚存傍立祠為師妥靈
之所居民時節薦享罔不虔肅水旱災疫凡有禱必應歲既
久風雨飄剝漸以圯毀至正甲辰里人楊政等相與謀曰祠
毀不治日益壞我輩為師遺民世共祀事若弗回其舊而新
是圖將何以昭靈貺而答神休哉於是衆議協同遂鳩工聚
財併力偕作不數月而訖功前堂後寢煥焉一新遠近瞻之
歸然壯觀既落成僉曰維是塋飾之勞不可無記乃囑余以
紀之余惟師之聰天下之至聰也其於五音六律皆能洞精
奧殫口鬼神而不可測故孟子亞聖亦嘗稱之按師當悼公
平公時跡雖隱於樂官而實參國議若夫忠言儻論匡主裕

民之道載諸春秋左氏傳者已詳見於舊碑余可略也獨其間以師為姓而疑世系無所攷者似非也蓋師既為典樂太師則其官號也謂之師曠猶曰師襄師擊師冕云耳若是者豈盡姓之謂哉厥後之師姓者乃因官以為氏也余聞祀典云有功於民則祀之晉師之生也為晉賢臣其言行既有益於當時没能福茲土而水旱災疫有禱斯應又以利乎後世是則師之存沒皆有功於民矣祀之誠宜今里人楊政等仰德承休而能繼新祠宇用意辛勤終始不懈如此亦可謂知所報矣故為之記明年正月甲子邑人張守大記

至正二十五年歲次乙巳三月吉日衆杜人等立石

萬安里郭忠并姪郭善鑄

校碑題雲谷張守大撰并書桂巖張容題額洪洞縣志師

曠祠在縣東南二十里師村東百步金大定四年里人文
子義建廟三間後爲寢宮前爲享亭中肖以像傍列侍從
金趙廣聰記歲久圯壞元大德八年里人任安仁修至正
二十四年里人楊政修元隱士張守大記按卽此碑碑言
至正甲辰里人楊政等鳩工聚財併力借作不數日而訖
功按甲辰至正二十四年碑言楊政云云爲縣志所本碑
立至正二十五年三月末有萬安里郭忠并姪郭善鑄縣
志萬安鎮縣西二十里又守大縣志有傳

旌忠廟記

碑高六尺四寸廣二尺六寸二十二行行
六十字字徑八分正書篆額今在鳳臺縣

澤州重脩旌忠廟記

□進義校尉晉寧路澤州判官阿馬丹書

奉政大夫晉_○路澤州知州兼管本州諸軍奧魯勸農防
禦事孝思敬家

唐亡數十年間帝制土中者更八姓而五易代天下為傳舍
世之君臣以其勢不以其義前者仆後者興翕翕焉以附望
望焉以去武弁文紳愧於蠹蟻之台散雖大臣不免也是故
或十年一易其國或二三十年一更其主_○數推移駛猶轉
電人紀不立非獨天使之然也嗚呼當是時有能嬰孤牌以
抗不義方張之兵_○死無所屈如忠烈裴俠者可不謂賢乎
宋歐陽子論著五代之史記於世道屢歎焉獨稱梁王考章
南唐劉仁贍與侯為死節之士三侯之為人緊可想見然考
章元帥也固其君跪而推轂付以闔外之事者仁贍郎度使
也連城數十縣地數千里皆稟其進退其任屬專其體貌重

事效不立宜如之何不死不可也侯路之牙將以兵守澤州
於其國家甚疏遠而位又卑乃能不附叛人不從偽國以城
郭為墓而與之俱沒口彼二人者豈不尤賢乎侯有爵又
有廟尚書王孝迪為之請廟之成也提點刑獄劉燾為之記
時為宋宣和上距侯死已二百年與侯為先後窮寵極貴而
口口朝勲德自負者其姓名雖存不宜涕唾而爵之而廟之
乎然爵以侯之廟以神之死者不與知也後之人欲以為興
士風勵臣即訓迪民彝之口口口口口口口口口口至于今
又將入于壞守州者河南葉君當軍旅往來之道不以送迎
供餽為勤劇上倡下和胥悅以從吏於澤者割其俸民於澤
口口口口口口口口口口其槽而革其瓦木土石之不可以
汰者重建兩廡為楹十又四朔外門以嚴啓閉繚垣四周百

有餘步棧其上□瓦覆之所以□風雨□□□□□□□□□□
□□□□至正壬寅年之季春月成于乙巳之仲秋月芝書
數百里請記其書曰侯古澤守也有大郎廟食于茲且三百
年壞不更脩□顏拜□□□□□□□□□□□□□□之託
乎起其廢作新之非近名也所以自厲而又以厲人焉他興
作而無裨世教者則不敢以干子余嘉君能以簿書期會
為政□□□□□□□□□□□□神侯裴氏名約事具
史傳者不詳著于篇額其廟曰旌忠亦宣和所賜也至正□
□秋八月前集賢學士資德大夫致仕浚儀歸暘記

□州史 李守實 申有恒

前河東山西道宣慰使司同知□都元帥兼澤州知州□

□□□

晉路澤州吏目□□□

進義校尉晉路澤州判官阿馬丹

承務郎晉路澤州事脫脫

奉政大夫晉路澤州知州兼管本州諸軍與魯勸農防
禦事孝思敬

亞中大夫晉路澤州達魯花赤兼管本州諸軍與魯勸
農防禦事吉列設思

此記爲重修裴約廟而作鳳臺縣志汴梁歸彥溫賜撰知
州李思敬冢州判阿馬書丹考歸陽於順帝至正二十三
年以集賢學士僑寄宏蔚宣大間關避兵復居夏縣此廟
成於乙巳所云走書數百里請記者正二十七年居夏縣
時彥溫以是年卒明年元亡校拓本碑前銜澤州判官阿

馬丹書澤州知州孝思敬篆碑後銜亦有阿馬丹孝思敬是阿馬丹人名縣志以爲阿馬書丹誤孝思敬亦見至正二十七年文昌行祠記姓氏尋源孝氏風俗通云齊孝公之後支孫以諡爲氏志以爲李思敬亦誤

重修湯王廟記

碑高二尺八寸五分廣一尺九寸六分
三十行行四十五字正書今在祁縣

祁縣□□鎮重修湯王廟記

將仕佐郎順_勳府宣德縣主簿何世祿撰

□□□□□□□□□□□□□□書

登仕郎龔晉二路北關捕盜官段芳篆

自古聖帝明王之有天下也澤及於生民功施於後世故必載在祀典歷代崇奉報德報功之無窮□詳□□□前王不

忘大學傳曰君子賢其賢而親其親小人樂其樂而利其利此以沒世不忘也其斯之謂歟夫

殷湯三代之聖王也奉若天命繼承道統成功盛德光映典墳以至秦林之禱精誠格天雀網之祝惠及庶類其仁民愛物之意千古之下宛若生存宜乎名登祀典万世血食普天率土嚴立廟貌歲時之致祭民庶之祈請永求不能忘也洪惟我

國家敦禮明教犧粢致幣其崇德報功之意殆無闕典古祁龍舟谷口為并州衝要之巨鎮南通懷衛北接燕代東西雄據之勢控引乎太行恒岳之嶮山川之秀民物之夥他邑未可侔也本社原建

湯王之廟地基高敞臨水面山左翼后土之神祠右陪聖覺

之佛殿上壓三孤之絕頂下臨大驛之通衢峯巒聳翠儼若
屏列煙雲唵靄變態不常蔚四時之佳致豁眼界於無窮使
順時之登覽者而或涼風一襟皓月千里恍若仙凡之永隔
迥不知其人間有威暑天上有蓬萊也詞人騷客固嘗播之
歌詠以寫其泉石煙霞之趣而寓其幽棲曠逸之情實為古
邠東南之勝境焉比年以來征役不息兵火之際蕩毀無餘
而

湯王之廟摧圮尤甚荒蕪不治漸有年矣今歲在乙巳幸蒙
總兵官太傅中書左丞相口文林郎河南江北等處行中書
省理問官王溥來斯鎮守下車之後嚴號令信賞罰興禮教
恤窮匱未及月餘軍民獲便疆境晏然鎮遏之暇觀其舊貫
慨然有感于懷即輸已財命工葺理摧圮者而完整之剥落

者而繪飾之經營中度措置有方儼廟貌之尊嚴復簷楹之壯麗金碧交輝丹青炳耀威儀文采煥然一新尤且不時民力不奪農時自六月興役至八月始落之畢功之日設樂設幣以妥以侑神有依而民有仰其崇德報功之意為何如也昔唐賢相狄公仁傑毀天下之淫祠惟置有功於民者則祀之故能特書於前史垂譽於無窮蓋其操心正大見理明徹而有此卓然不惑之舉余王公富戎馬之際未遑他役而不惜已財不惑邪議特與功於

殷湯聖王之廟使正祀有饗典禮無虧誠可以繼仁傑去邪存正之盛舉斯亦好賢尚德之君子歟其志誠可嘉也然則與其樹功於一時曷若流芳於永久而為愈哉本社耆宿□□等深懷其惠欲彰威美遂遴選堅珉用傳不朽據其實

求予文以記之固辭不獲迺敬而述之以頌揚其功德之萬
一云

其銘曰

琪官環峙兮山之阿 峯巒疊映兮鬱嵯峨 煙雲晦靄
兮 木森羅 覩昔時之壯觀兮真仙窠 遇時之不淑
兮將奈何 有美一人兮惠且和 駐旆於茲兮揚恩波
憫

聖廟之摧圮兮增吁嗟 輸已財為葺理兮成功多 儀
文中矩矱禮無訛 繼前賢之用心兮其德同科 紀威
美於堅珉兮亘萬古而不磨也

昔大元至正二十五年歲次乙巳十一月十六日 立石

祁 李居仁刊

按碑題將仕郎順甯府宣德縣主簿何世祿撰書人銜名
悉缺惟存一書字登仕郎冀晉二路北關捕盜官段芳篆
碑言古祁龍舟谷口爲并州衝要之巨鎮南通懷衛北接
燕代云云一統志龍舟峪關在祁縣東南九十里南通沁
州北通徐溝兩壁皆山旁有胡甲水泊有巡司今裁龍舟
城云是劉繼元所築胡甲水今名呂源河卽水經注之侯
甲水發源平遙縣胡甲山西北流逕祁縣故城南按卽此
碑所云龍舟谷口碑云比年以來征役不息兵火之際蕩
毀無餘湯王之廟摧圮尤甚按元史本紀至正十八年賊
分二道犯晉冀一出沁州一侵絳州是年三月冀甯路陷
校賊犯沁冀道必由祁碑所謂兵火者當卽此時又二十
年後始則察罕博羅互爭晉冀繼則庫庫特穆爾駐太原

亦擄兵博羅不解遂釀二十四年太子出奔之變故云比
年征役不息碑又云歲在乙巳辛亥總兵官太傅中書左
丞相麟文林郎王溥來斯鎮守元史本紀至正二十一年
六月辛丑田豐王士誠刺殺察罕特穆爾魯推察罕子庫
庫特穆爾爲總兵官二十五年九月丁丑庫庫特穆爾爲
太尉中書左丞相錄軍國重事十月封河南王綱目元史
類編皆作太尉而碑作太傅三公表至正二十五年太傅
爲庫庫特穆爾與此碑合又二十七年十月壬子詔落太
傅左丞相以此碑考之則紀傳誤作太尉當從表作太傅
碑以王公重修此廟而立末題大元至正二十五年十一
月十六日立石距元亡三歲耳

文昌行祠記

碑連額高五尺一寸廣二尺二十三行行四十九字正
書額題文昌帝君行祠之記八字篆書今在鳳臺縣

文昌帝君行祠之記

延祐初天子銳興文治設茂科廣羅天下賢俊永基太平之
業重惟人才出處闕時運感衰斯道在天必有宰而司之者
世以蜀七曲

文昌帝君儲精炳靈式符軋象實能翊贊大猷緝熙景運於
是詔封輔元開化文昌司祿宏仁帝君之號繇川蜀至於江
漢湖湘閩粵內而京師靈化所被皆祠而祀之康國庇
民之意嗚呼威哉披清河內傳

大帝自叙甚詳在周為張仲厯秦漢隋唐以來隱顯不一其
出則為名儒賢相匡國致治欲使君臣父子夫婦朋友各盡
其道寡慕數千百年間英明剛大之氣浩然獨存與化樞相

周旋其功用則形于九十四事善善惡惡捷若影響或以筆授或以夢應大要教人以忠孝為本至若所降籤文三百六十五章法周天三百六十五度包羅三才揆叙萬類運數之否泰事情之離合吉凶睽迕纖毫莫爽俾世之人寡昧狂惑者知所懲勸退其邪而歸諸正所以扶持世道陰陽下民功德備焉

國家崇祀典彰 靈貺固宜夫言理者以陰陽不測之謂神是故日星之麗天河嶽之流峙寒暑代序灾祥推移著而為禮樂幽而為鬼神是皆二氣五行屈信變化自然之迹矧神妙用無方周流于萬物錯綜乎兩間體微而用顯矣烝民煦煦以相生養動靜云為圓于二氣五行屈信變化之內能不與神相依乎故凡仰而祈俯而懇者不外于日用抑亦順天

以安其生者邪衍自蚤歲聞公卿大夫稱述異蹟班班可紀
比年贊政中書繼司諫職屢對揚

天子休命用哉靖多難嘗質疑于神已而皆驗繇是益信

所聞顧惟大河之東靈風未暢澤實名郡民頑而俗①是宜
祠迺即天慶宮卜爽塏畚土樹址構正殿四楹規制合度中
奠神平居像鐘磬鼎俎式具祀儀用嚴郡守孝侯思敬暨
在官者力贊成之戶部司計成憲實相事焉以至正丁未春
三月肇工秋七月祠成郡之賓僚大夫士將識諸石以言為
請衍惟天理在人心未嘗亡然一念之興善惡判焉中和正
直尊德樂道者為君子則神錫之福陰賊險悞縱欲害道者
為小人則神降之禍傳不云乎皇天無親惟德是輔自羣盜
發難亂逾一紀斯道不絕如縑士君子能以名義卓立于擾

撥之中者蓋鮮且人情莫不欲安而去危趨利以避害或曰
是以禱于 神神必啓其衷而滌其愆庶乎修省戒懼以復
天理民彞之善熏陶漸漬將不止于一方則於風化夫豈小
補其或欺心以肆詐賈利以徼福是則名教之罪人非吾所
願于多士也自今伊始民其安以嬉庶以稷邦家用休神之
惠將無既焉中 大夫叅議中書省事河東張衍謹書以為
記用告後之來者

至正二十七年冬十月吉日立石

按鳳臺縣志文昌帝君行祠記張衍撰

又云天慶觀有即文昌行祠碑

此碑文獻通考英顯王者梓潼張亞子神也仕晉戰沒人
爲立廟唐元宗西狩追封左丞僖宗入蜀封濟順王宋眞
宗咸平中雷有終奏助平王均之亂改封英顯王續文獻通考倪

岳正祀典疏云神姓張諱亞子越寓人西晉丁未二月三日生疑真於蜀之梓潼山上因報母仇徙居劍州之七曲

山仕晉戰沒唐明皇西狩封左丞

餘所載
同通考

元加號輔元開

化文昌司祿宏仁帝君碑云文昌帝君實能翊贊大猷緝

熙景運於是詔封輔元開化文昌司祿宏仁帝君與通志

元加號輔元云云合

壽陽縣志周禮有司中司命是文昌之祭自古有之貌而象之道家之說

也碑又云郡守孝侯思敬縣志職官元知澤州李思敬李當

作孝考詳旌忠廟碑跋

其曰戶部司計成憲實相事者縣志元司計

字成憲官戶部郎曹至正末天下兵亂去官歸家故豐於

財多義行出貲創修文昌祠參議張衍記其事於石又縣

志元張衍河東人官中書行省至正末天下大亂去官歸

僑寓於澤嘗作文昌行祠記書文俱佳元亡不知所終元

史百官志中書參議省事正四品碑又云比年贊政中書
繼司諫職已遷他官而仍書參議蓋重中書也此碑立至
正二十七年次年元卽亡而乃云對揚天子休命戡靖多
難毋亦蹈文勝之弊歟通志金石記至正丁未擴廓帖木
兒欽定本作
庫庫特穆爾與關係貊高自相攻擊明年由澤州退守
晉甯擒殺二將置國事於不問遂致順帝北遜此何等時
而乃建祠崇文亦少見事也碑首云延祐初設茂科按元
史本紀皇慶元年十一月詔行科舉延祐二年三月廷試
與碑合

山右石刻叢編卷四十

後序

汾晉之野古稱奧區太行之陰實曰地脊山叢徑雜土厚水深吉金樂石流傳實懋斯生前輩巡撫山西於今三年政通人和年豐物阜因脩通志徧拓石刻七百餘通勒成四十卷自魏迄元搜輯大備廣徵史書博采志乘條舉件繫炳炳麟麟自來攷金石者以

國朝爲極盛郡多專志代有名家而後出愈精斷推是書爲最約舉大綱其善有四可得而言焉寰宇一錄遠師夾漈秦豫兩記上紹歐陽或僅注夫方輿或止存夫題跋此則精理打本校錄舊文景伯隸釋碑陰碑側之備詳九成叢鈔大字小字之悉具別苔剔蘚俗書與院體同珍砥墨椎甍里語與作家並列事蹟可攷端賴於石華實鑑爲名迥殊於骨董其

善一也青浦萃編藝林推重然其斷代止於宋金孰知大業
啟運兵鋒首及於河東中統以前世鎮林立乎山右論事蹟
則宋濂王禕之史所未詳論文章則遺山莊靖之集所不盡
忽神氏族訛舛兼訂潛研成已碑銘會最且逾愛日詎可視
爲枝贅棄若弁髦此則著錄過二百篇類同偏嗜編輯成十
四卷幾半全書其善二也分省彙錄始自蘊山南海繼之於
沅湘儀徵推之於滇粵然皆存佚不分眞贋雜出崔逸開元
之製移於鬱林衡陽响嘯之文推爲夏后洵屬通人之蔽恐
爲識者所嗤此則目治爲主耳食必刪界休有道鄙青主谷
口之傳摹絳州天尊存大中咸通之注釋玉琢磨而益粹金
辟灌而愈精其善三也山左金石畢阮同脩萃江浙之名流
紀瑯琊之勝迹然而楚臣余義之鍾載之魯郡成周仲習之

鼎闢入齊疆下至頓印莒刀邾戈膠佛縱耕出之有地亦傳
世而在人此則齊舉子錄出自萊河鄂史實鉞歸於積古長
子屯留之貨漢元天福之錢法帖別行殘塲開出不求增益
概與刪除若夫攷鐵人於晉祠訪銅鑪於天慶均歸附著獨
具別裁詎以款識日殘稍存假借何如碑碣長在藉證見聞
縱曰名從主人大可執爲通例其善四也在昔倦圃應官亭
林作客境內古刻稍稍流傳目綴於洪洞之董略編於扶風
之王高郵小種亦有徵長己丑鉅編未爲盡善今也搜采靡
遺殆稱觀止勘訂益慎無愧前賢好古之攀川楹效其靈購
奇之殷球琳同其價年經月緯探一十四代之貞珉徵事攷
文萃九十一屬之瓊寶眞所謂百家之鑪棗六籍之星源矣
至孫愛之成癖將三十年萃而爲林過一萬種謬承誣謬略

有補苴謹請雕蟲俾望早濟夫汾霍不辭附驥小文聊學夫
洪孫云爾光緒戊戌江陰繆荃孫序

山右石刻叢編四十卷專主存并冀之文獻補諸史之闕略
不矜寶刻之宏富侈藝林之雅談前序言之詳矣始余官晉
藩卽有纂輯之志遷延未果光緒乙未調任晉撫今江安糧
道成都胡君延時爲絳縣令嘗就所得晉刻手錄原文成攷
證八卷丙申之春調居幕府以所箸求正於余因請設局編
纂而以總纂自任余深韙之於是檄通省州縣各拓境內碑
刻而輸之局數月之間居然畢致復委山西通判江甯吳君
廷燮并其兄陝西知縣廷錫與胡君分代攷證始於丙申之
秋至戊戌夏日而全書成每成一篇余必詳爲攷覈復慮或
有舛漏錄副郵致金陵乞江陰繆筱珊編修覆加釐訂筱珊
遠於金石之學又爲補輯若干條郵筒商榷再三始付剞劂
是書成於眾手而以撰輯屬之余是猶涑水通鑑夾漈通志

上卷不彙
之例也任勣寫排比之役者爲山西府經歷天津金寶珠山
陰洪瑞姓會稽俞安之而洪之力爲多總其事者胡君也晉
刻從無著錄有之自高郵夏君寶晉始夏撰目錄一卷胡君
因之以成是編二君皆曾爲絳縣令者信墨緣之有自矣光
緒辛丑冬日天門胡聘之記